



盛唐第四十三

唐詩紀一百三

鄆郡吳瑄彙編

鄆郡謝陞同校

李頎

五言律詩

塞下曲

少年學騎射勇冠并州兒直愛出身早邊功沙漠  
垂戎鞭腰下插羌笛雪中吹膂力今應盡將軍猶

未知

詩已

盛唐詩卷之四十三

未賦

寄鏡湖朱處士

澄霽晚流闊微風吹綠蘋  
鱗鱗遠峯見淡淡平湖  
春芳草日堪把白雲心  
所親何時可為樂夢裏東  
山人

宴陳十六樓

樓枕金谷

西樓對金谷此地古人心  
白日落庭內黃花生澗  
陰四鄰見疎木萬井度寒砧  
石上題詩處千年留  
至今

送相里造入京

子月過秦正寒雲覆洛城  
嗟君未得志猶作苦辛  
行煖酒嫌衣薄瞻風候雨晴  
春官含笑待驅馬速  
前程

送錢子入京

夜夢還京北鄉心恨擣衣  
朝逢入秦使走馬喚君  
歸驛路清霜下關門黃葉稀  
還家應信宿看子速  
如飛

送綦毋三寺中賦得紗燈

禪室吐香燼輕紗籠翠煙  
長繩掛青竹百尺垂紅

詩紀  
盛唐卷之四十三  
蓮熠爚衆星下玲瓏雙塔前含光待明發此別豈  
徒然

送人尉閩中

可歎芳菲日分爲萬里情閩門折垂柳御苑聽殘  
鶯海戍通閩邑江航過楚城客心君莫問春草是  
王程

送人歸沔南

梅花今正發失路復何如舊國雲山在新年風景  
餘春饒漢陽夢日寄武陵書可卽明時老臨川莫

羨魚

送盧逸人

洛陽爲此別攜手更何時不復人間見祇應海上  
期清谿入雲木白首卧茅茨共惜盧敖去天邊望  
所思

送顧朝陽還吳

寂寞俱不偶裏糧空入秦宦途已可識歸卧包山  
春舊國指飛鳥滄波愁旅人開樽洛水上怨別柳  
花新

送竇參軍

城南送歸客舉酒對林巒  
暄鳥迎風轉春衣度雨  
寒桃花開翠幕柳色拂金鞍  
公子何時至無令  
草闌

望秦川

秦川朝望迥日出正東  
峯遠近山河淨透迤城闕  
重秋聲萬戶竹寒色五陵松  
客有歸歟歎悽其霜  
露濃

晚歸故園

荆扉帶郊郭稼穡滿東菑  
倚杖寒山暮鳴梭秋葉  
時回雲覆陰谷返景照霜梨  
澹泊真吾事清風別  
自茲

覺公院施烏石臺

石臺置香飯齋後施諸禽  
童子亦知善衆生無懼  
心苔痕蒼曉露盤勢出香林  
錫杖或圍繞吾師一  
念深

籬笋

東園長新笋映日復穿籬  
迸出依青嶂攢生伴綠

詩經  
卷之四十三  
池色一作密因林向背行逐地高卑但恐春將老青  
青獨爾爲

達奚吏部夫人寇氏挽歌

存歿令名傳青青松柏田事姑稱孝婦生子繼先  
賢露濕銘旌重風吹鹵簿前陰堂從此閉誰誦女  
師篇

七言律詩

寄司勳盧員外

流澌臘月下河陽草色新年發建章秦地立春傳

太史漢官題柱憶仙郎歸鴻欲度千門雪侍女新  
添五夜香早晚薦雄文似者故人今已賦長楊

寄綦毋三

新加大邑綬仍黃遊與單車去洛陽顧眄一過丞  
相府風流三接令公香南川稷稻花侵縣西嶺雲  
霞色滿堂其道進賢蒙上賞看君幾歲作臺郎

送魏萬之京

朝聞遊子唱離歌昨夜微霜初渡河鴻鴈不堪愁  
裏聽雲山况是客中過關城樹一作曙色催寒近御

言糸 盛唐卷之四十三 五  
苑砧聲向晚多莫見長安行樂處空今歲月易蹉  
跎

送李回

知君官屬大司農詔幸驪山職事雄歲發金錢供  
御府晝看仙液注離宮千巖曙雪旌門上十月寒  
花輦路中不覩聲名與文物自傷流滯去關東

宿瑩公禪房聞梵

花宮仙梵遠微微月隱高城鐘漏稀夜動霜林驚  
落葉曉聞天籟發清機蕭條已入寒空靜颯沓仍

隨秋雨飛始覺浮生無住着頓令心地欲皈依

題璿公山池

遠公遯跡廬山岑開山一作云幽居祇樹林片石孤

峯窺色相清池白一作皓月照一作點禪心指揮如意

天花落坐卧閑房春草深此外俗塵俱不染惟餘  
玄度得相尋

題盧五舊居

物在人亡無見期閑庭繫馬不勝悲窓前綠竹生  
空地門外青山如舊時悵望秋天鳴墜葉噴吭枯

柳宿寒鴟憶君淚落東流水歲歲花開知是誰

五言排律

贈別張兵曹

漢家蕭相國功蓋五諸侯勳業河山重丹青錫命  
優君為禁鬱壻爭看玉人遊荀令焚香日潘郎振  
藻秋新成鸚鵡賦能衣鸚鵡裘不憚軒車遠仍尋  
薜荔幽苑梨飛絳葉伊水淨寒流雪滿故關道雲  
遮祥鳳樓一身輕寸祿萬物任虛舟別後如相問  
滄波雙白鷗

宿香山寺石樓

夜宿翠微半高樓聞暗泉漁舟帶遠火山磬發孤  
煙衣拂一作作雲松外門清河漢邊峯巒低枕席世  
界接人天雷靄花出霧輝輝星映川東林曙鶯滿  
惆悵欲言旋

聖善閣送裴迪入京

雲一作雪華滿一作歛高閣苔色上鈎欄藥草空堦靜  
梧桐返照寒清吟可愈疾攜手暫同歡墜葉和金  
磬饑鳥鳴露盤伊流紀事作川惜東別灞水向西看舊

詩紀  
盛唐卷之四十三  
託含香署雲霄何足難

奉送漪叔遊潁川兼謁淮陽太守

罷吏今何適辭家方獨行  
嵩陽入歸夢潁水半前程  
聞道淮陽守東南卧理清  
郡齋觀政日人馬望鄉情  
疊嶺雪初霽寒砧霜後鳴  
臨川嗟拜手寂寞事躬耕

二妃廟送裴侍御使桂陽

沅上秋草晚蒼蒼  
堯女祠無人見精魄萬古寒  
猿悲桂水身歿後椒漿神降時  
回雲迎赤豹驟雨颯

文狸受命出炎海  
焚香徵楚詞乘驄感遺跡  
一弔清川湄

送暨道士還玉清觀

仙宮

一作官

有名籍度世吳江濱  
大道本無我青春

長與君中州俄已到  
至理得而聞明主降黃屋  
時人看白雲空山何窈窕  
三秀日氛氲遂此留書客  
超遙煙駕分

送劉主簿歸金壇

與子十年舊其如離別何  
宦遊鄰故國歸夢是滄

波京口青山遠金陵芳草多雲帆曉容裔江日晝  
清和縣郭舟人飲津亭漁者歌茅山有仙洞羨爾  
再經過

送盧少府赴延陵

問君從宦所何日府中趨遙指金陵縣青山天一  
隅行人懷寸祿小吏獻新圖北固波濤險南天風  
俗殊春江連橘柚晚景媚菰蒲漠漠花生渚亭亭  
雲過湖灘沙映春火水霧斂檣烏回首東門路鄉  
書不可無

送東陽王太守

江臯杜蘅綠芳草日遲遲檜楫今何去星郎出守  
時彤襜問風俗明主寄憫嫠令下不徒爾人和當  
在茲昔年經此地微月有佳期洞口桂花白巖前  
春草滋素沙靜津瀨青壁帶川坻野鶴每孤立林  
颺常晝悲

送皇甫曾遊襄陽山水兼謁韋太守

峴山枕襄陽滔滔江漢長山深卧龍宅水淨斬蛟  
鄉元凱春秋傳昭明文選堂風流滿今古煙島思

言終  
盛唐卷之四十三  
九  
微茫白鴈暮衝雪青林寒帶霜蘆花獨戍晚柑實  
萬家香舊國欲茲別輕舟眇未央百花亭漫漫一  
柱觀蒼蒼按俗荆南牧持衡吏部郎逢君立五馬  
應醉習家塘

龍門送裴侍御監五嶺選

萬里番禺地官人繼帝憂君爲柱下史將命出東  
周歇馬傍川路張燈臨石樓稜稜靜踈木淅淅響  
寒流椰葉四荒外梅花五嶺頭明珠尉佗國翠羽  
夜郎洲夷俗富珍產土風資宦遊心清物不雜弊

革事無留舉善必稱最持姦當去尤何辭桂江遠  
今日用賢秋

送喬琳

草綠小平津花開伊水濱今君一作今不得意孤負

帝鄉春口不言金帛心常任屈伸阮公能一作惟飲

酒陶令肯羞貧陽羨風流地滄江遊寓人菱歌五

湖遠桂樹八公鄰青鳥迎一作迴孤棹白雲隨一身

潮隨秣陵上月映石頭新未可逃名利應須在縉

紳汀洲芳杜色勸爾暫垂綸

詩紀 盛唐卷之四十三  
題少府監李丞山池

能向府亭內置茲山與林他人驕驕馬而我薜蘿  
心雨止禁門肅鶯啼官柳深長廊閱軍器積水背  
城陰牕外王孫草牀頭中散琴清風多仰慕吾亦  
爾知音

長壽寺粲公院新甃井

僧房來往久露井每同觀白石抱新甃蒼苔依舊  
欄空瓶宛轉下長綆轆轤盤境界因心淨泉源見  
底寒鐘鳴時灌頂對此日閑安

魏倉曹宅各賦一物得當軒石竹

羅生殊衆色獨爲表華滋雖雜蕙蘭處無爭桃李  
時同人趨府暇落日後庭期密葉散紅點靈條驚  
紫蕤芳菲看不厭采摘願來茲

五言絕句

奉送五叔入京兼寄綦母三

雲陰帶殘日悵別此何時欲望黃山道無由見所  
思

七言絕句

寄韓鵬

為政心閑物自閑  
朝看飛鳥暮飛還  
寄書河上神明宰  
羨爾城頭姑射山

百花原

一作王昌齡出塞行

百花原頭望京師  
黃河水流無已時  
一作窮秋

秋曠野行人絕  
馬首東西來  
知是誰

遇劉五

洛陽一別梨花新  
黃鳥飛飛逢故人  
攜手當年共為樂  
無驚蕙草惜殘春

送崔嬰赴漢陽

中外相連弟與兄  
新加小縣子男名  
纔年三十佩銅印  
知爾弦歌漢水清

送五叔入京兼寄綦母三

吏部明年拜官後  
西城必與故人期  
寄書春草年年色  
莫道相逢玉女祠

野老曝背

百歲老翁不種田  
惟知曝背樂殘年  
有時捫虱獨搔首  
目送歸鴻離下眠

闕文

詠張譔山水

小山破體閑支策落日梨花照空壁詩堪記室妬

風流畫與將軍作勅敵 闕

失題

紫極殿前朝伏奏龍花會裏日相望別離歲歲如

流水誰辨他鄉與故鄉 闕

盛唐第四十三

盛唐第四十四

唐詩紀一百四

鄆郡吳瑄彙編

鄆郡謝陞同校

祖詠

洛陽人開元十三年進士張說在并州引為駕部員外郎○殷璠云詠詩剪刻省淨用思尤苦氣雖不高調頗凌俗亦可稱為才子

古意二首

夫差日淫放舉國求妃嬪自謂得王寵代間無美

人碧羅象 一作蒙 天閣坐輦乘芳春宮女數千騎常

遊江水濱年深玉顏老時薄花妝新拭淚下金殿

嬌多不顧身生前妬歌舞死後同灰塵塚墓令人  
哀哀於銅雀臺

楚王竟何去獨自留巫山偏使世人見迢迢江水

一作間駐舟春谿一作裏誓願拜靈顏夢寐覩神

女金沙鳴珮環閑豔絕世姿令人氣力微含笑默

一作不語化作朝雲飛

渡淮河寄平一

天色混波濤岸陰匝村墅微微漢祖廟隱隱江陵  
渚雲樹森已重時明鬱相拒

歸汝墳山莊留別盧象

淹留歲將宴久廢南山期舊業不見棄還山從此

辭漚麻入南澗刈麥一作向東菑對酒雞黍熟閉

門風雪時非君一延首誰慰遙相思

夕次圃田店

前路入鄭郊尚經百餘里馬煩時欲歇客歸程未

已落日桑柘陰遙村一作煙火起西還不遑宿中

夜渡涇水

田家即事

舊居東臯上左右俯荒村樵路前傍嶺田家遙對  
門歡娛始披拂愜意在郊原餘霽蕩川霧新秋仍  
晝昏攀條憩林麓引水開泉源稼穡豈云倦桑麻  
今正繁方求靜者賞偶與潛夫論雞黍何必具吾  
心知道尊

扈從御宿池

一題作蘭峯題  
張中丞九臯

君王既巡

一作出

狩輦道

一作路

入秦京遠樹低槍壘

孤峯

一作山

入幔城寒踈清禁漏夜警羽林兵誰念

迷方客長懷魏闕情

贈苗發員外

宿雨朝來歇空山天氣清盤雲雙鶴下隔水一蟬  
鳴古道黃花落平蕪赤燒生茂陵雖有病猶得伴  
君行

荅王維留宿

四年不相見相見復何爲握手言未畢却令傷別  
離升堂還駐馬酌醴便呼兒語嘿自相對安用傍  
人知

長樂驛留別盧象裴總

朝來已握手宿別更傷心  
灞水行人渡商山驛路  
深故情君且足謫宦我難任  
直道皆如此誰能淚  
滿襟

送劉高郵稅使入都

常聞積歸思昨夜又兼秋  
鄉路京華遠王程江水  
流吳歌喧兩岸楚客醉孤舟  
漸覺潮初上悽然多  
暮愁

宴吳王宅

吳王承國寵列第禁城東  
連夜徵詞客當春試舞

童砌分池水岸牕度竹林  
風更待西園月金樽樂  
未終

觀華嶽

西入秦關口南瞻驛路  
連彩雲生闕下松樹到祠

邊作鎮當官道雄都俯大川

一作爲雄

蓮

一作危

峯

徑上處彷彿有神仙

泗上馮使君南樓作

井邑連淮泗南樓向晚過  
望灘沙鷺起尋岸浴童  
歌近海雲偏出兼秋雨  
更多明晨擬回棹鄉

一作歸

思恨風波

蘇氏別業

別業居幽處到來生隱心  
南山當戶牖澧水映園  
林屋一作竹覆經冬雪  
庭昏未夕陰寥寥人境  
外閑坐聽春禽

汝墳別業

失路農為業移家到汝墳  
獨愁常廢卷多病久離  
羣鳥雀垂窓柳虹霓出  
澗雲山中無外事樵唱  
有時聞

陸渾水亭

晝眺伊川曲巖間霽色明  
淺沙平一作明有路流水  
漫無聲浴鳥沿波聚潛  
魚觸釣驚更憐春岸綠  
幽意滿前楹

過鄭曲

路向滎川谷一作夕晴來望盡通  
細煙生水一作上圓月  
在舟中岸勢迷行客秋  
聲亂草蟲旅懷勞自慰  
浙有涼風

宿陳留李少府揆廳

言系  
相知有叔卿  
訟簡夜彌清  
旅泊一作宿倦愁卧空堂  
聞曙更風簾  
搖燭一作竹影秋雨帶蟲聲  
歸思那堪說悠悠限洛城

題韓少府水亭

梅福幽棲處  
佳期不忘還  
鳥啼當戶竹  
花繞傍池  
山水氣侵堦  
冷松一作藤陰覆座閑  
寧知武陵趣  
宛

在市朝間

題遠公經臺

蘭若無人到  
真僧出復稀  
苔侵行道席  
雲濕坐禪

衣澗鼠緣香案山  
蟬噪竹扉  
世間長不見  
寧止暫忘歸

中峯居喜見苗發

一作李端詩

自得中峯住  
深林亦閉關  
經秋無客到  
入夜有僧還  
暗澗泉聲小  
荒岡樹影閑  
高牕不可望  
星月滿空山

江南旅情

楚山不可極  
歸路但蕭條  
海色晴看雨  
江聲夜聽潮  
劔留南斗近  
書寄北風遙  
爲報空潭橘  
無媒贈

寄一作洛橋

泊楊子津

纔入維揚郡鄉關此路

一作地遙林藏初過

一作霽雨

風退欲歸潮江火明沙岸雲帆礙浦橋客衣今日

一作正薄寒氣近一作昨來饒

晚泊金陵水亭

江亭當廢國秋景倍蕭騷夕照明殘壘寒潮漲古

濠就田看鶴大隔水見僧高無限前朝事醒吟易

覺勞

七夕

閨女求天女更闌意未闌玉庭開粉席羅袖捧金

盤向月穿鍼易臨風整線難不知誰得巧明旦試

相看

望薊門

燕臺一望

一作去

客心驚簫鼓喧喧漢將營萬里寒

光生積雪三邊曙色動危

一作行

旌沙場烽火連胡

月海畔雲山擁薊城少小雖非投筆吏論功還欲

請長纓

言系  
盛唐卷之四十四  
家園夜坐寄郭微

前堦微雨歇開戶散窺林月出夜方淺水涼池更深餘風生竹樹清露薄衣襟遇物遂遙歎懷人滋遠心依稀成夢想影響絕徽音誰念窮居者明時嗟陸沈

酬汴州李別駕贈

秋風多客思行旅厭艱辛自洛非才子遊梁得主人文章參末議榮賤豈同倫歎逝逢三演懷賢憶四真一作歎世同王演蒙賢憶法真情因恩舊好契託死生親所

媿能投贈清言益潤身

清明宴司勳劉郎中別業

田家復近臣行樂不違親霽日園林好清明煙火新以文長會友唯德自成鄰池照一作沼牕陰晚杯香一作觴藥味春簷前花覆地竹外鳥窺人何必桃源裏深居作隱淪

汝墳秋同仙州王長史翰聞百舌鳥

秋天聞好鳥驚起出簾帷却念殊方月能鳴已後時遷喬誠可早出谷此何遲顧影慙無對懷羣空

所思淒涼歲欲晚蕭索燕路一作將辭留聽未終曲  
彌令心獨悲高飛憑力致巧轉任天姿返覆知而  
靜間關斷若遺花繁上林路霜落汝川湄且長凌  
風翻乘風自有期

寄王長史

汝穎俱宿好往來託層巒終日何寂寞繞籬生蕙  
蘭

別怨

送別到中流秋船倚渡頭相看尚不遠未可即回

舟

終南望餘雪

寒 終南陰嶺秀積雪浮雲端林表明霽色城中增暮

萬楚

紀事云登開元進士第李頎有東郊寄楚詩

題江潮莊壁

田家喜秋熟歲宴林葉稀禾黍積場圃榼梨垂戶  
扉野閑犬時吠日暮牛自歸時復落花酒茅齋堪  
解衣

小山歌

人說淮南有小山淮王昔日此登仙城中雞犬皆  
飛去山上壇場今宛然世人貴身不貴壽共笑華  
陽洞天口不知金石變長年謾在人間戀攜手君  
能舉帆至淮南家住盱眙余先諳桐柏亂流平入  
海茱萸一曲沸成潭憶記來時冤悄悄想見仙山  
衆峯小今日長歌思不堪君行爲報三春鳥

詠簾

玳瑁昔稱華玲瓏薄絳紗鈎銜門勢曲節亂水紋

斜日弄長飛鳥風搖不卷花自當分內外非是爲  
驕奢

五日觀妓

西施謾道浣春紗碧玉今時鬪麗華眉黛奪將萱  
草色紅裙妬殺石榴花新歌一曲令人豔醉舞雙  
眸歛鬢斜誰道五絲能續命却令今日死君家

驄馬

金絡青驄白玉鞍長鞭紫陌野遊盤朝驅東道塵  
怕滅暮到河源日未闌汗血每隨邊地苦蹄傷不

難 憚隴陰寒君能一飲長城窟為盡一作報天山行路

茱萸女

山陰柳家女九日采茱萸復得東鄰伴雙為陌上

姝插枝著一作花向高髻結子置長裾一作忤性常遲

緩非關詫丈夫平明折林樾日入返城隅一作俠

客要羅袖行人挑短書蛾眉自有主年少莫踟躕

題情人藥欄

斂眉語芳草何許太無情正見離人別春心相向

生

河上逢落花

河水浮落花花流東不息應見浣紗人為道長相

憶

王之渙并州人與兄之咸之貴皆有文名與王昌齡崔國輔聯唱迭和名動一時○集

異記作渙之

送別

楊柳東風樹青青夾御河近來攀折苦應為別離

多

涼州詞二首

黃河遠一作沙直上白雲間一片孤城萬仞山羌笛何

須怨楊柳春光不度玉門關一本首句作次句次句作首句○集異記

云開元中渙之與王昌齡高適齊名共詣旗亭貫酒小飲有梨園伶官十數人會讌三人因避席隈映擁爐以觀焉俄有妙妓四輩奏樂皆當時名部昌齡等私相約曰我輩各擅詩名每不自定甲乙今者可以密觀諸伶所謳若詩入歌詞之多者為優初謳昌齡詩次謳適詩又次復謳昌齡詩渙之自以得名已久因詰諸妓中最佳者曰待此子所唱如非我詩即終身不敢與子爭衡次至雙鬟發聲果謳黃河云云因大諧笑諸伶詰問因語其事乃競拜乞就筵席三人從之飲醉竟日

單于北望拂雲堆殺馬登壇祭幾迴漢家天子今

神武不肯和親歸去來

九日送別

薊庭蕭瑟故人稀何處登高且送歸今日暫同芳菊酒明朝應作斷蓬飛

宴詞

長堤春水綠悠悠畎入漳河一道流莫聽聲聲催

去棹桃谿一作花淺處不勝舟

張旭

新唐書云蘇州人善書嗜酒每大醉呼叫狂走乃下筆或以頭濡墨而書既醒自視以為神世呼張顛初仕常熟尉有老人陳牒求判宿昔又來旭責之老人曰觀公筆奇妙

欲以藏家爾旭自言始見公主擔夫爭道又聞鼓吹而得筆法意觀倡公孫舞劍器得其神

清谿泛舟

旅人倚征棹薄暮起勞歌  
笑攬清谿月清輝不厭多

桃花谿

隱隱飛橋隔野煙石磯西畔問漁船  
桃花盡日隨流水洞在清谿何處邊

山行留客

山光物態弄春輝莫為輕陰便擬歸  
縱使晴明無雨色入雲深處亦沾衣

春遊值雨

欲尋軒檻列清樽江上煙雲向晚昏  
昏須倩東風吹散雨明朝却待入華園

一日書

春草青青萬里餘邊城落日見離居  
情知海上三年別不寄雲間一紙書

此詩以墨蹟攷定

柳

言終  
濯濯煙條拂地垂城邊樓畔結春思請君細看風  
流意未減靈和殿裏時

春王諶

紀事云登開元進士第  
國秀集云官右補闕

後庭怨

君不見紅閨少女端正時天天桃李仙容姿幸得  
君王憐巧笑披香殿裏薦蛾眉蛾眉雙雙人共進  
常恐妾身從此擯甄妃爲妬出層宮班女因猜下  
長信長信宮門閉不開昭陽歌吹風送來夢中覓  
魄猶言是覺後精神尚未迴念君嬌愛無終始使

妾長啼後庭裏獨立每看斜日盡孤眠直至殘燈  
死秋日聞蟲翡翠簾春晴照面鴛鴦水紅顏舊來  
花不勝白髮如今雪相似傳聞紈扇思未歇預想  
蛾眉上初月如君貴僞不貴真還同棄妾逐新人  
借問南山松葉意何如北砌槿花新

夜坐看搗箏

調箏夜坐燈光裏却挂羅帷露纖指朱絃一一聲  
不同玉柱連連影相似不知何處學新聲曲曲彈  
來未覩名應是石家金谷裏流傳未滿洛陽城

長信怨

飛燕倚身輕爭人巧笑名生君棄妾意增妾怨君  
情日落昭陽壁秋來長信城寥寥金殿裏歌吹夜  
無聲

閨情

日暮裁縫歇深嫌氣力微纔能收篋笥懶起下簾  
帷怨坐空然燭愁眠不解衣昨來頻夢見夫婿莫  
應知

十五夜觀燈

暫得金吾夜通看火樹春停車傍明月走馬入紅  
塵妓雜歌偏勝場移舞更新應須盡記取說向  
與不來人

一作

盛唐第四十四

盛唐第四十五

唐詩紀一百五

鄆郡吳瑄彙編

鄆郡謝陞同校

賈至

字幼鄰洛陽人曾之子擢明經第為單父尉玄宗幸蜀拜起居舍人知制誥帝傳位至讓册帝曰昔先天誥命乃父為之今又爾為之兩朝盛典出卿家父子手可謂繼美累封信都縣伯以右散騎常侍卒諡曰文

五言古詩

自蜀奉册命往朔方途中呈韋左相文部

房尚書門下崔侍郎

胡羯亂中夏變輿忽南巡衣冠陷戎寇狼狽隨風  
塵函公秉大節臨難不顧身激昂白刃前濺血下  
沾巾尚書抱忠義歷險披荆榛扈從出劔門登翼  
岷江濱時望挹侍郎公才標縉紳亭亭崑山玉皎  
皎無緇磷顧惟乏經濟扞牧陪從臣永願雪會稽  
仗一作劔清咸秦太皇時內禪神器付嗣君新命  
集舊邦至德被遠人捧冊自南服奉詔趨北軍觀  
謁心載馳違離難重陳策馬出蜀山畏途上緣雲  
飲啄叢箐間棲息虎豹羣崎嶇凌危棧惴慄一作  
悚

驚心神峭壁上嶽岑大江下泐泐皇風扇八極異  
類懷深仁元兇誘黠虜肘腋生妖氛明主信英武  
威聲赫四一作鄰誓師自朔方旗幟何繽紛鐵騎  
照白日旄頭拂秋旻將來一作盪滄溟寧止蹴崑  
崙古來有屯難否泰長相因夏康續禹績代祖復  
漢勳于役各勤王驅馳拱紫宸豈惟太公望往昔  
逢周文誰謂三傑才功業獨殊倫感此惻行邁無  
爲歌苦辛

贈裴九侍御昌江草堂彈琴

詩紀  
八  
盛唐卷之四十五  
朔風吹疎林積雪在崖巘鳴琴草堂響小澗清且  
淺沈吟東山意欲去芳歲晚悵望黃綺心白雲若  
在眼

巴陵早秋寄荊州崔司馬吏部閻功曹舍  
人

謫居瀟湘渚再見洞庭秋極目連江漢西南浸斗  
牛滔滔盪雲夢澹澹搖巴丘曠如臨渤澥窅疑造  
瀛洲君山麗中波蒼翠長夜浮帝子去永久楚詞  
尚悲愁我同長沙行時事加百憂登高望舊國胡

馬滿東周宛葉遍蓬蒿樊鄧無良疇獨攀青楓樹  
淚灑滄江流故人西掖寮同扈岐陽蒐差池盡三  
黜蹭蹬各南州相去雖地接不得從之遊耿耿雲  
陽臺迢迢王粲樓跂予暮霞裏誰謂無輕舟

閑居秋懷寄楊翟陸贄府封丘高少府

今日霖雨霽颯然高館涼秋風吹二毛烈士加慨  
慷憶昔皇運初衆賓俱龍驤解巾佐幕府脫劔升  
明堂郁郁被慶雲朝朝翼太陽鯨魚縱大壑鸞鷲  
鳴高岡信矣草創時太階速賢良一言頓遭逢片

善蒙恩光我生屬聖一作威明感激竊自彊崎嶇郡

邑權連騫翰墨場天朝富英髦多士如珪璋盛才

溢下位蹇步徒猖狂閉門對羣書几案在我旁枕

席想遠遊聊欲浮滄浪八月白露降玄蟬號枯桑

艤舟臨清川迢遞愁思長我有同懷友各在天一

方離披不相見浩蕩隔兩鄉平生霞外期宿昔共

行藏豈無蓬萊樹歲晏空蒼蒼

送友人使河源

送君魯郊外下車上高丘蕭條千里暮日落黃雲

秋舉酒有餘恨論邊無遠謀河源望不見旌旆去  
悠悠

送李侍御

我年四十餘已歎前路短羈離洞庭上安得不引  
滿李侯忘情者與我同踈懶孤帆泣瀟湘望遠心  
欲斷

送耿副使歸長沙

畫舸欲南歸江亭且留宴日暮湖上雲蕭蕭若流  
霰昨夜相知者明發不可見惆悵西北風高帆爲

詩紀  
盛唐卷之四十五  
四  
誰扇

送夏侯子之江夏

扣楫洞庭上清風千里來  
留歡一杯酒欲別復徘徊  
相見楚山下漁舟憶釣臺  
美君還舊里歸念獨悠悠哉

寓言二一首

春草紛碧色佳人曠無期  
悠哉千里心欲采商山  
芝歎息良會晚如何桃李時  
懷君晴川上佇立夏雲滋

凜凜秋閨夕綺羅早知寒  
玉砧調鳴杵始擣機中  
紈憶昨別離日桐花覆井欄  
今來思君時白露盈  
堦溥聞有關河信欲寄雙玉盤  
玉以委貞心盤以薦嘉餐  
嗟君在萬里使妾衣帶寬

七言古詩

燕歌行

國之重鎮惟幽都東威九夷北制胡  
五軍精卒三十萬百戰百勝擒單于  
前臨滹沱後易水崇山沃野亘千里  
昔時燕山重賢士黃金築臺從隗始  
倏

忽興亡空薊丘漢家又以封王侯蕭條魏晉為橫  
 流鮮卑竊據朝五州我唐區夏餘十紀軍容武備  
 赫萬祀彤弓黃鉞授元帥懇耕大漠為內地季秋  
 膠折邊草腓治兵羽獵因出師千營萬隊連旌旗  
 望之如火忽電馳匈奴懾窟窮髮北大荒萬里無  
 塵飛君不見隋家昔為天下宰窮兵黷武征遼海  
 南風不競多死聲鼓卧旗折黃雲橫六軍將士皆  
 死盡戰馬空鞍歸故營時遷道革天下平白環入  
 貢滄海清自有農夫已高枕無勞校尉重橫行

巴陵寄李二戶部張十四禮部

時貶岳州司馬

江南春

一作芳

草初纂纂愁殺江南獨愁客秦中楊

柳也應新轉憶秦中相憶人萬里鶯花不相見登  
 高一望淚沾巾

五言律詩

長門怨

獨坐思千里春庭曉景長鶯喧翡翠幙柳暗  
 鬱金堂舞蝶縈愁緒繁花對靚妝深情託瑤瑟絃  
 斷不成章

一作覆

銅雀臺

日暮銅臺靜西陵鳥雀歸撫絃心斷絕聽管淚霏  
微靈几臨朝奠空牀卷夜衣蒼蒼川上月應照妾  
魂飛

侍宴曲

雲陛褰珠屐天墀覆綠楊隔簾妝隱一作掩映向席  
舞低昂鳴珮長廊靜開水廣殿涼歡餘劔履散同  
輦入昭陽

對酒曲二首

梅發柳依依黃鸝歷亂飛當歌憐景色對酒惜芳  
菲曲水浮花氣流風散舞衣通宵留暮雨上客莫  
言歸

春來酒味濃舉酒對春叢一酌千憂散三杯萬事  
空放歌乘美景醉舞向東風寄語尊前客生涯任  
轉蓬

送陸協律赴端州

一題作南州有贈

越井人南去湘川水北流江邊數杯酒海內一作外  
一孤舟嶺嶠同仙客京華卽舊遊春心將別恨萬

言系  
里共悠悠

送王貞外赴長沙

攜手登臨處  
巴陵天一隅  
春生雲夢澤  
水溢洞庭湖  
共歎虞翻枉  
同悲阮籍途  
長沙舊卑濕  
今古不應殊

送夏侯參軍赴廣州

聞道衡陽外  
由來鴈不飛  
送君從此去  
書信定應稀  
雲海南溟遠  
煙波北渚微  
勉哉孫楚吏  
綵服正光輝

長沙別李六侍御

月明湘水白  
霜落洞庭乾  
放逐長沙外  
相逢路正難  
雲歸帝鄉遠  
鴈報朔方寒  
此別盈襟淚  
雍門不假彈

岳陽樓宴王貞外貶長沙

一題作南州有贈

極浦三春草  
高樓萬里心  
楚山晴靄碧  
湘水暮流深  
忽與朝中舊  
同爲澤畔吟  
停杯試北望  
還欲淚沾巾

詠馮昭儀當熊

詩已

盛唐卷之四十五

八

白羽插雕弓，蜺旌動朔風。平明出金屋，扈輦上林中。逐獸長廊靜，呼鷹御苑空。王孫莫諫獵，賤妾解一作當熊自當熊。

七言律詩

早朝大明宮呈兩省僚友

銀燭薰世本天紫陌長，禁城春色曉蒼蒼。千條弱柳垂青瑣，百轉流鶯繞一作滿建章。劍珮聲隨玉墀步，衣冠身惹一作染御爐香。共沐恩波鳳池上，一作裏

朝朝染翰侍君王。

五言絕句

白馬

白馬紫連乾，嘶鳴丹闕前。聞珂自蹀躞，不要下金鞭。

贈薛瑤英

舞怯銖衣重，笑疑桃臉開。方知漢成帝，虛築避風臺。

七言絕句

出塞曲

詩紀

盛唐卷之四十五

七

萬里平沙一聚塵南飛羽檄北來人傳道五原烽火急單于昨夜寇新秦

春思二首

草色青青柳色黃桃花歷亂李花香東風不爲吹愁去春日偏能惹恨長

紅粉當壚弱柳垂合花臘酒解醱醲笙歌日暮能畱客醉殺長安輕薄兒

勤政樓觀樂

銀河帝女下三清紫禁笙歌出九城爲報延州來

聽樂須知天下欲昇平

贈陝掾梁宏

梁子工文四十年詩顛名過草書顛白頭仍作功曹掾祿薄難供沽酒錢

荅嚴大夫

今夕秦天一鴈來梧桐墜葉搗衣催思君獨步華亭月舊館秋陰生綠苔

送南給事貶崖州

疇昔丹墀與鳳池卽今相見兩相悲朱崖雲夢三

千里欲別俱爲慟哭時

送李侍郎赴常州

雪晴雲散北風寒楚水吳山道路難今日送君須  
盡醉明朝相憶路漫漫

洞庭送李十二赴零陵

今日相逢落葉前洞庭秋水遠連天共說金華舊  
游處回看北斗欲潸然

江南送李卿

雙鶴南飛度楚山楚南相見憶秦關願值迴風吹

羽翼早隨陽鴈及春還

送王道士還京

一片仙雲入帝鄉數聲秋鴈至衡陽借問清都舊  
花月豈知遷客泣瀟湘

巴陵夜別王八員外

一作蕭靜詩題  
云三湘有懷

柳絮飛時別洛陽梅花發後到一作三湘世情已

逐浮雲散離恨空隨江水長

別裴九弟

西江萬里向東流今夜江邊駐客舟月色更添春

詩經 盛唐卷之四十五  
色好蘆風似勝竹風幽

重別南給事

謫宦三年尚未回故人今日又重來聞道崖州一  
千里今朝須盡數千杯

岳陽樓重宴別王八員外貶長沙

江路東連千里潮青雲北望紫微遙莫道巴陵湖  
水闊長沙南畔更蕭條

初至巴陵與李十二白裴九同泛洞庭湖

三首

江上相逢皆舊遊湘山永望不堪愁明月秋風洞  
庭水孤鴻落葉一扁舟

楓岸紛紛落葉多洞庭秋水晚來波乘興輕舟無  
近遠白雲明月弔湘娥

江畔楓葉初帶霜渚邊菊花亦已黃輕舟落日興  
不盡三湘五湖意何長

西亭春望

日長風煖柳青青北鴈歸飛入窅冥岳陽城上聞  
吹笛能使春心滿洞庭

日又風歎... 西亭春望

不盡三... 西亭春望

山... 西亭春望

如表... 西亭春望

盛唐第四十五

盛唐第四十六

唐詩紀一百六

鄆郡吳瑄彙編

鄆郡謝陞同校

崔國輔

吳郡人明皇時應縣令舉授許昌令累遷集賢直學士禮部員外郎後坐王鉷近親貶晉陵郡司馬○殷璠云國輔詩婉變清楚深宜諷詠樂府數章古人不及也

從軍行

塞北胡霜下營州索兵救夜裏偷道行將軍馬亦  
瘦刀光照塞月陣色明如晝傳聞賊滿山已共前  
鋒鬪

詩紀

盛唐卷之四十一

雜詩

逢着平樂兒論交鞍馬前與酤一作一斗酒恰用

十千錢後余在關內作事多迤邐何肯相救援紀事

作何處肯相救徒聞寶劍篇

古意

紅荷楚水曲彪炳爍晨霞未得兩回摘秋風吹却  
花時芳不待妾玉珮無處誇悔不盛年時嫁與青  
樓家

宿法華寺

松雨時復滴寺門清且涼此心竟誰證回憩支公  
牀壁畫感靈跡龕經傳異香獨遊寄象外忽忽歸  
南昌

題豫章館

楊柳映春江江南轉佳麗吳門綠波裏越國青山  
際遊宦常往來津亭暫臨憩驛前蒼石沒浦外湖  
沙細向晚宴且平孤舟罔然逝雲留西北客氣歇  
東南帝獨有萋萋心誰知怨芳歲

石頭灘作

悵矣秋風時余臨石頭瀨因高見超遠盡此數州

內一作望盡

羽山一點青海岸雜光

一作碎離離

樹木少漭漭

一作湖波大日暮千里帆南飛落天

外須更遂入夜楚色有微靄尋遠跡

一作已窮遺

榮事多昧一身猶未理安得濟時代且泛朝夕潮

荷衣蕙為帶

### 漂母岸

泗水入淮處南邊古岸存秦時有漂母於此飯

饋王孫王孫初未遇寄食何足論後為楚王來誓

欲荅毋恩事迹遺在此空傷千載冤茫茫水中渚

上有一孤墩

一作寒洲漲未解荒隴草空繁

遙望不可到蒼蒼煙

樹昏幾年崩塚色每

一作日落潮痕古地多墜圮

時哉不敢言向夕淚沾裳只

一作宿蘆洲村

### 對酒吟

行行日將夕荒村古塚

一作無人跡蒙籠荆棘一

鳥吟

一作飛屢勸

一作提壺沽酒喫古人不達酒不

足遺恨精靈傳此曲寄言世上

一作諸少年平生

且盡杯中醪

言系 且盡不 奉和華清宮觀行香應制

天子藻一作藻珠宮樓臺碧落通豫遊皆汗漫齋處

卽崆峒雲物三光裏君臣一氣中道言何所說寶

曆自無窮

宿范浦

月暗潮又落西陵渡暫停村煙和海霧舟火亂江

星路轉定山遶一作遠塘連范浦橫鴟夷近何去空

山臨滄溟

奉和上巳祓禊應制

元巳秦中節吾君灞上游鳴鑿通禁苑別館遶芳

洲鷓鷯千官列魚龍百戲浮桃花春欲盡穀雨夜

來收慶向堯樽祝歡從楚棹謳逸詩何足對宵作

掩東周

九日侍宴應制

運偶千年聖時傳九日神堯樽列鐘鼓漢闕闕鈞

陳金籙三清降瓊筵五老巡始驚蘭佩出復詠柏

梁新雲鴈樓前晚霜花酒裏春歡娛無限極書劔

太平人

言終  
太平人  
杭州北郭戴氏荷池送侯愉

秋近萬物肅况當臨水時折花贈歸客離緒斷荷  
絲誰謂江國永故人感在茲道存過北郭情極望  
東菑喬木故園意鳴蟬窮巷悲扁舟竟何待中路  
每遲遲

怨詞二首

妾有羅衣裳秦王在時作為舞春風多秋來不堪  
看

樓前一作頭桃李踈池上芙蓉落織錦猶未成蛩聲

入羅幕

古意二首

玉籠薰繡裳看罷眠洞房不能春風裏吹却蘭麝  
香

種棘遮靡蕪畏人來采一作摘殺比至狂夫還看看

幾花發

襄陽曲二首

蕙草嬌紅萼時光舞碧雞城中美年少相見白銅  
鞮

詩已

成書卷之四十六

五

少年襄陽地來往襄陽城城中輕薄子知妾解秦  
箏

魏宮詞

朝日照一作點紅妝擬上銅雀臺畫眉猶未竟一作了

魏帝使人催

長信草一作宮

長信宮中草年年愁處生故一作時侵珠履跡不使

玉階行

長樂少年行一作古意

遺却珊瑚鞭白馬驕不行章臺折楊柳春日路傍

情

湖南曲

湖南送一作與君去湖北送一作憶君歸湖裏鴛鴦鳥

雙雙他自飛

中流曲

歸時一作來日尚早更欲向芳洲渡口水流急迴船

不自由

王孫遊

言終  
自與王孫別頻看黃鳥飛應由春草誤着處不成  
歸

采蓮

玉淑花爭發金塘水亂流相逢畏相失並着采蓮  
舟

子夜冬歌

寂寥抱冬心裁羅又褰褰夜久頻挑燈霜寒剪刀  
冷

麗人曲

紅顏稱絕代欲並真無侶獨有鏡中人由來自相  
許

小長干曲

月暗送潮風相尋路不通菱歌唱不徹知在此塘  
中

王昭君

漢使南還盡胡中妾獨存紫臺綿望絕秋草不堪  
論

秦女卷衣

詩已

詩系  
雖入秦帝宮不上秦帝牀夜夜玉牕裏與他卷衣  
羅作裳

今別離

送別未能旋相望連水口船行欲映洲幾度急搖  
手

衛豔詞

淇上桑葉青青樓含白日比時遙望君車馬城中  
出

渭水西別李崧

隴右一作外長亭堠山陰古塞秋不知嗚咽水何事  
向西流

送韓十四被魯王推遞往濟南府

西候情何極南冠怨有餘梁王雖好事不察獄中  
書

白紵辭二首

洛陽梨花落如霰河陽桃葉生復齊坐惜一作怨又作恐

玉一作舞樓春欲盡紅綿粉絮裛衰妝啼

董賢女弟在椒風窈窕繁華貴後宮壁帶金釵首

言糸  
翡翠一朝零落變成空

九日

江邊楓落菊花黃少長登高一望鄉九日陶家雖  
載酒三年楚客已沾裳

崔曙

宋州人開元二十六年登進士第以試明  
堂火珠詩得名○殷璠云曙詩多歎辭要  
妙情意悲涼送別  
登樓俱堪淚下

古意

綠筍總成竹紅花亦成子能當此時好獨自幽閨  
裏夜夜苦更長愁來不一作如死

宿大通和尚塔敬贈如上人兼呈常孫二

山人

支公已寂滅影塔山上古更有真僧來道場救諸  
苦一承微妙法寓宿清淨土身心能自觀色相了  
無取森森松映月漠漠雲近戶嶺一作外飛電明  
夜來前山雨然燈見棲鴿作禮聞信鼓曉霽南軒  
開秋華淨天宇願言出世塵謝爾申及甫

送薛處之宋州

無媒嗟失路有道亦乘流客處不堪別異鄉應共

愁我生早孤賤淪落居此州風土至今憶山河皆  
昔遊一從文章事一作兩京春復秋君去問相識  
幾人今一作白頭一作成

山下晚晴

寥寥遠天淨谿路何空濛斜光照踈雨秋氣生白  
虹雲盡山色暝蕭條西北風故林歸宿處一葉下  
梧桐

潁陽東谿懷古

靈谿氛霧歇皎鏡清心顏空色不一作映水秋聲

多在山世人久踈曠萬物皆自閉白鷺寒更浴孤  
雲晴未還昔時讓王者此地閉玄一作關無以躡

高步淒涼岑一作壑間

早發交崖山還太室作

東林氣微白寒鳥忽一作高翔吾亦自茲去北山

歸草堂仲一作冬正三五日月遙相望蕭蕭一作蕭蕭

過潁上曨曨辨少陽川氷生積雪野火出枯桑獨

往路難盡窮陰人易傷傷此無衣客如何蒙雨一作

雪霜

寺已

盛唐書卷之四十六

十

奉試明堂火珠

正位開重屋凌空紀事作中天出火珠夜來雙月滿紀事

作合曙後一星孤天淨光難滅雲生望欲無遙知太

平代紀事作還知聖明代國寶在名都紀事云曙以是詩得名明年卒惟一女名

星星始悟其識也

途中曉發

曉一作晚霽長風裏勞歌赴遠期雲輕歸海疾月滿

下山遲旅望因高盡鄉心遇物悲故林遙不見况

在落花時

緱山廟

遺廟宿陰陰孤峯映綠林步隨仙路遠意入道門

深澗水流年月山雲變古今祇聞風竹裏猶有鳳

笙音

同諸公謁啓母祠

闕宮凌紫微芳草閉閑扉帝子復何在王孫遊不

歸春風鳴玉珮暮雨拂靈衣豈但湘江口能令懷

二妃

九日登望仙臺仍呈劉明府容

漢文皇帝有高臺此日登臨曙色開三晉雲山皆  
北向二陵風雨自東一作西來關門令尹誰能識河  
上仙翁去不回且欲近尋彭澤宰陶然共醉菊花  
杯

奉酬中書相公至日圓丘攝事合於中書  
後閣宿齋移止於集賢院叙懷見寄之作  
典籍開書府恩榮避鼎司郊丘資有事齋戒守無  
爲宿霧蒙瓊樹餘香覆玉墀進經逢乙夜展禮值  
明時勲共山河列名同竹帛垂年年佐堯舜相與

致雍熙

登水門樓見亡友張貞期題望黃河詩因  
以感興

吾友東南美昔聞登此樓人從一作隨川上逝書向

一作在壁中留嚴子好真隱謝公躡遠遊清風初作

頌暇日復銷憂一作愁時與文字古跡隨一作將山水

幽已孤蒼生望空一作坐見黃河流流落年一作榮

將晚悲涼物已一作似秋天高不可問掩泣赴行舟

對雨送鄭陵

別愁復經雨別淚還如霰寄心海上雲千里常相見

嵩山尋馮鍊師不遇

青谿訪道凌煙曙王子仙成已飛去更值空山雷雨時雲林薄暮歸何處

賀蘭進明

開元十六年進士祿山亂以御史大夫為節度使守臨淮張巡睢陽之圍遣南霽雲乞師不應至德中為南海太守嶺南節度使終負外郎。殷璠云員外好古博達經籍滿腹其所著述一百餘篇頗究天人之際又有古詩八十首大體符于阮公行路難五首並多新興

古意二首

秦庭初指鹿羣盜滿山東忤意皆誅死所言誰肯忠武關猶未啓兵入望夷宮為崇非涇水人君道自窮

崇蘭生澗底香氣滿幽林采采欲為贈何人是同心日暮徒盈把徘徊憂思深慨然紉雜佩重奏丘中琴

行路難五首

君不見巖下井百尺不及泉君不見山上苗數寸

凌雲煙人生相命亦如此何苦太息自憂煎但願  
親友長含笑相逢不乏一作莫吝杖頭錢寒夜邀歡須  
秉燭時得長思花柳年

君不見門前柳榮耀幾一作暫時蕭索久君不見陌

上花狂風吹去落誰家鄰一作誰家思婦見之歎蓬

首不梳心歷亂盛年夫壻長別離歲暮相逢色凋

換

君不見芳樹枝春花落盡蜂不窺君不見梁上泥  
秋風始高燕不棲蕩子從軍事征戰娥眉嬋娟守

空閨獨宿自然堪下淚况復時聞烏夜啼

君不見雲中月暫盈還復缺君不見林下風聲遠  
意難窮親故平生或聚散歡娛未盡樽酒空歎息  
青青陵上柏歲寒能有幾人同

君不見東流水一去無窮已君不見西郊雲日夕  
空氣氳羣鴈徘徊不能去一鴈悲一作驚鳴復失羣

人生結交在終始莫以升沈中路分

盛唐第四十六

入主... 空... 去... 青... 意...

盛唐第四十七

唐詩紀一百七

鄆郡吳瑄彙編

鄆郡謝陞同校

綦毋潛

字季通荆南人開元十四年舉進士由... 宜壽尉入為集賢侍制遷右拾遺終著... 作郎○殷璠云潛詩屹崒峭蒨足佳句善寫... 方外之詩舉體清秀蕭蕭跨俗借使若人加... 氣質滅雕飾則高... 視三百年之外

冬夜寓居寄儲太祝

又作薛據詩

自為洛陽客夫子吾知音盡

一作義能下士時人

無此心奈何離居夜巢鳥悲

一作空林愁坐至月

詩紀

盛唐卷之四十七

上復聞南鄰砧

春泛若耶谿

幽意無斷絕此去隨所偶

一作好

風吹行舟花路

入谿口際夜轉西壑隔山望南斗潭煙飛溶溶林  
月低向後生事且瀟漫願為持竿叟

題鶴林寺

道林

一作門

隱形勝向背臨層霄松覆山殿冷花藏

谿路遙珊珊寶幡挂焰焰明燈燒遲日半空谷春  
風連上潮少憑一作適水木興暫令身心調願謝攜

手客茲山禪誦

一作侶 饒

題栖霞寺

南山勢迴合靈境依此住殿轉雲崖陰僧探石泉  
度龍蛇爭翕習神鬼皆密護萬壑奔道場羣峯向  
雙樹天花飛不着水月白成路今日觀身我歸心  
復何處

送儲十二還莊城

西坂何繚繞青林問子家天寒噪野雀日晚度城  
鴉寂歷道傍樹矐矐原上霞茲情不可說長恨隱

淪賒

送章彝下第

長安渭

一作灞

橋路行客別時心獻賦溫泉畢無媒

魏闕深黃鶯啼就馬白日暗歸林三十名未立君

還惜寸陰

送崔員外黔中監選

持衡出帝畿星指夜郎飛神女雲迎馬荆門雨濕

衣聽猿收淚罷繫鴈待書稀蠻貊雖殊俗知君肝

膽微

送賈恒明府兼寄溫張二司戶

越客新安別秦人舊國情舟乘晚風便月帶上潮

平花路西施石雲峯句踐城明州報兩掾相憶二

毛生

送宋秀才

冠古積榮盛當時數戟門舊交丞相子繼世五侯

孫長劔倚天外短書盈萬言秋風一送別江上黯

消覓

送平判官入秦

一作盧象詩

言糸  
謫遠自安命三年已忘歸同聲一作心願執手驛騎  
到門扉云是帝鄉去軍書謁紫微曾爲金馬客向  
日淚沾衣

送鄭務拜伯父

名公作逐臣驅馬拂行塵舊國問郎子勞歌過郢  
人一川花送客二月柳宜春奉料竹林興寬懷此  
別晨

題招隱寺絢公房

開士度人久空巖一作山花霧深徒知燕坐處不見

有爲心蘭若門對壑田家路隔林還言證一作澄法  
性歸去比黃金

宿太平觀

夕到玉京寢宵冥雲漢低竟交仙室蝶曙聽羽人  
雞滴瀝花上露清泠松下谿明堂訪真隱揮手入  
無倪

題靈隱寺山頂禪院

招提此山頂下界不相聞塔影挂清漢鐘聲和白  
雲觀空靜室掩行道衆香焚且駐西來駕人天日

未曛空碧望  
若耶谿逢孔九

相逢此谿曲  
勝託在煙霞

潭影竹間動  
巖陰簷外

斜人言一作生上皇代  
犬吠武陵家

借問淹留日  
春風滿若耶

宿龍興寺

香刹夜忘歸  
松清古殿扉

燈明方丈室  
珠繫比丘

衣白月傳心  
靜青蓮喻法

微天花落不  
盡處處鳥

銜飛

題沈東美員外山池

仙郎偏好道  
鑿沼象瀛洲

魚樂隨情性  
船行任去

留秦人辨雞  
犬堯日識巢

由歸客衡門  
外仍憐返

景幽

茅山洞口

華陽仙洞口  
半嶺拂雲看

窈窕穿苔壁  
差池對石

壇方隨地脉  
轉稍覺水晶

寒未果變金  
骨歸來茲

路難

過方尊師院

寺記

羽客北山尋草堂松徑深養神宗示法得道不知  
心洞戶逢雙履寥天有一琴一作禽更登玄圃上仍  
種杏成林

經陸補闕隱居

不敢要君徵亦起致君全得似唐虞讜言昨歎離  
天聽新象今聞入縣圖琴鎖壞牕風自響鶴歸喬  
木隱難呼學書弟子何人在點檢猶存諫草無

登天竺寺

郡有化城最西窮疊嶂深松門當澗口石路在峯

心幽見夕陽霽高逢暮雨陰佛身瞻紺髮寶地踐  
黃金雲向竹谿盡月從花洞臨因物成真悟遺世  
在茲一作孤岑

滿公房

世界蓮花藏行人香火緣燈王照不盡中夜寂相  
傳

過融上人蘭若

一作孟浩然詩

山頭禪室挂僧衣牕外無人谿一作水鳥飛黃昏  
半在下山路却聽鐘一作泉聲連一作戀翠微

薛據

河中寶鼎人開元天寶間據與弟播摠相繼登科終禮部侍郎一云荆南人官至太子司議郎○殷璠云據為人骨鯁有氣魄其文亦爾爾自傷不早達因著古興詩怨憤頗深

懷哉行

明時無廢人廣厦無棄材良工不我顧有用寧自  
媒懷策望君門歲晏空遲迴秦城多車馬日夕飛  
塵埃伐鼓千門啓鳴珂雙闕來我聞雷雨施天澤  
一作罔不該何意斯人徒棄之如死灰主好臣必  
効時禁權不一作開俗流實驕矜得志輕草萊文  
王賴多士漢帝資羣才一言並拜相片善咸居台

夫君何不遇為泣黃金臺

古興

日中望雙闕軒蓋揚飛塵鳴珮初罷朝自言皆近  
臣光華滿道路意氣安可親歸來宴高堂廣筵羅  
八珍僕妾盡綺紈歌舞夜達晨四時固相代誰能  
久要津已看覆前車未見易後輪丈夫須兼濟豈  
能一作樂一身君今皆得志肯顧憔悴人

冬夜寓居寄儲太祝

又作慕母潛詩

自為洛陽客夫子吾知音愛義能下士時人無此

心柰何離居夜巢鳥飛空林愁坐至月上復聞南  
鄰砧

登秦望山

南登秦望山目極大海空朝陽半蕩漾晃朗天水  
紅谿壑爭噴薄江湖遞交通而多漁商客不悟歲  
月窮振緝迎早潮弭棹候長一作遠風予本萍泛者  
乘流任西東茫茫天際帆栖泊何時同將尋會稽  
迹從此訪任公

西陵口觀海

長江漫湯湯近海勢彌廣在昔坯混

一作胚混凝融爲

百川決

一作長

地形失端倪天色潛澁瀆東南際萬

里極目遠無象山影乍浮沈潮波忽來往孤帆或  
不見棹歌猶想像日暮長風起客心空振蕩浦口  
霞未收潭心月初上林嶼幾逶迤亭臯時偃仰歲  
晏訪蓬瀛真遊非外獎

初去郡齋書懷

肅徒辭汝頽懷古獨悽然尚想文王化猶思巢父  
賢時移多讒巧大道竟誰傳况是一作見疾風起悠

悠旌旆懸征鳥

鴻一作

無返翼歸流不停川已經霜

雪下乃

仍一作

驗松柏堅回首望城邑迢迢間雲煙

志士不傷物小人皆自妍感時惟責已在道非怨

天從此適樂土東歸知得

一作

幾年

### 出青門往南山下別業

舊居在南山夙駕自伊

城一作

闕榛莽相蔽虧去爾

漸超忽散漫餘雪晴蒼茫季冬月寒風吹長林白

日原上沒懷抱曠莫伸相知阻胡越弱年好棲隱

鍊藥在巖窟及此離垢氛興來亦因物末路期赤

松斯言庶不伐

### 泊震澤口

日落草木陰舟徒泊江汜蒼茫萬象開合沓聞風

水洄浴值漁翁窅窅

一作

逢樵子雲開天宇靜月

明照萬里早鴈湖上飛晨鐘海邊起獨坐嗟遠遊

登岸望孤洲零落星欲盡腫隴氣漸收行藏空自

秉智識仍未周伍胥既仗劍范蠡亦乘流歌竟鼓

楫去三江多客愁

### 題丹陽陶司馬廳壁

高鑒清洞徹儒風入進難詔書增寵命才子益能  
官門帶山光晚城臨江水寒唯餘好文客時得詠  
幽蘭

古興

投珠恐見疑抱玉但垂泣道在君不舉功成歎何  
及

早發上東門

十五能文西入秦三十無家作路人時命不將明

主合布

一作素

衣空惹

一作染

洛陽塵

閻防

防在開元天寶間有文稱嘗與薛據讀書終南山豐德寺○殷璠云防爲人好古博雅其詩警策語多真素

晚秋石門禮拜

輕策臨絕壁招提謁金仙舟車無遊

一作由

徑崖嶠

乃屬天躑躅淹昃景夷猶望新弦石門變溟色谷  
口生人煙陽鴈叫平楚秋風急寒川馳暉苦代謝  
浮脆暫貞堅永欲卧丘壑息心依梵筵誓將歷劫  
願無以外物牽

宿岸道人精舍

早歲參道風放情入一作寥廓重因息心侶遂果  
巖下諾歛迹辭人間杜門守寂寞秋風剪蘭蕙霜  
氣冷淙壑山牖見然燈竹房聞搗藥願言捨塵事  
所趣非龍蠖

夕次鹿門山作

龐公嘉遯所浪迹難追攀浮舟暝始至抱杖聊自  
閑雙巖開鹿門百谷集珠灣噴薄湍上水春容  
裏山焦原不足險梁壑未成艱我行自春仲夏鳥  
忽繇蠻蕙草色已晚客心殊倦一作未還遠遊非避

地訪道愛童顏安能狗機巧爭奪錐刀間

百丈谿新理茅茨讀書

浪迹棄人世還山自幽獨始傍巢由蹤吾其獲心  
曲荒庭何所有老樹半空腹秋蛩鳴北林暮鳥穿  
我屋栖遲樂遵渚恬曠寡所欲開卦推盈虛散帙  
攻節目養閑度人事達命知止足不學東國儒俟  
時勞伐幅

與永樂諸公夜泛黃河作

煙深載酒入但覺暮川虛映水見山火鳴榔聞夜

漁愛茲山水趣忽與人世一作世人踈無暇一作假然官燭中流有望舒

詩

文翰日發開敷人奉命吟止及不學與國

非風賦豈樂豐哉計翻真何於同往

曲景或何似南宮賦半之類人國出林

然故美人甘景山自國故與果山

盛唐第四十七

盛唐第四十八

唐詩紀一百八

鄆郡吳琯彙編

鄆郡謝陞同校

丁仙芝

潤州曲阿人登開元進士第為餘杭尉  
○殷璠云仙芝詩婉麗清新迥出凡俗  
恨其文多質少

贈朱中書

十年種田濱五湖十年遭滂盡為蕪頻年井稅常  
不足今年緡錢誰為輸東鄰轉穀五之利西鄰販  
繒日已貴而我守道不遷業誰能肯敢效此事紫

詩紀

盛唐卷之四十七

十一

言  
微侍郎白虎殿出入通籍迴天眷晨趨綵筆柏梁  
篇畫出雕盤太官膳會應憐爾居素約可卽長年  
守貧賤

戲贈姚侍御

繁霜曉幕鳴柏烏侍子獸炭然金爐重門啓鎖紫  
髯胡新披驄馬隴西駒頭戴獬豸急晨趨明光殿  
前見天子今日應彈佞倖夫

餘杭醉歌贈吳山人

曉幙紅襟燕春城白項烏只來梁上語不向府中

趨城頭坎坎鼓聲曙滿庭新種櫻桃樹桃花昨夜  
撩亂開當軒發色映樓臺十千允得餘杭酒二月  
春城長命杯酒後畱君待明月還將明月送君回

剡谿館聞笛

夜久聞羌笛寥寥虛客堂山空響不散谿靜曲宜  
長草木生邊氣城池泛一作逗夕涼虛然異風出髣  
髴宿平陽

渡楊子江

一作孟浩然詩

旌節中流望空波兩畔明林開楊子驛山出潤州

言系  
城海盡邊陰靜江寒朔吹生更聞楓葉下浙瀝度  
秋聲

長寧公主舊山池

平陽舊池館寂寞使人愁座卷流黃簟簾垂白玉  
鈎庭閑花自落門閉水空流追想吹簫處應隨仙  
鶴一作騎遊

京中守歲

守歲多然燭通宵莫掩扉客愁當暗滿春色向明  
歸玉斗巡初匝銀河落漸微開正獻歲酒千里間

庭闈

和薦福寺英公新構禪堂

上人久棄世中道自忘筌寂照出羣有了心清衆  
緣所以於此地築館開青蓮果藥羅砌下煙虹垂  
戶前呪中灑甘露指處流香泉神遠日無事體清  
宵不眠枳聞廬山法松入漢陽禪一枕西山外虛  
舟常浩然

越裳貢白雉

一作孫昌胤詩

聖哲承

一作符

休運伊夔列上台覃恩丹徼遠入貢

寺已

卷之四十八

三

詩經 卷之四  
素翬來北闕欣初見南枝顧未迴歛容殘雪淨矯  
翼片霜開馴擾將無懼翻飛幸不一作莫猜甘從上

林一作苑裏飲啄自徘徊

江南曲五首

長干斜路北近浦是兒家有意來相訪明朝出浣  
沙

發向橫塘口船開值急流知郎舊時意且請攏船  
頭

昨暝逗南陵風聲波浪阻入浦不逢人歸家誰信

汝

未曉已成妝乘潮去茫茫因從京口渡使報邵陵

王

始下芙蓉樓言發瑯琊岸急爲打船開惡許傷人  
見

闕題見吟牕雜錄

窮巷常閉戶秋城聞擣衣闕

又

樹迴秋色川長遲落暉闕

詩經

卷之四

四

張潮

一作張朝曲阿人處士○殷璠云潮詩委曲怨切頗多悲涼

江風行

壻貧如珠玉壻富如埃塵貧時不忘舊富日多寵  
新妾本富家女與君為偶匹惠好一何深中門不  
曾出妾有繡衣裳歲蕤金縷光念君貧且賤易此  
從遠方遠方三千里思君心未已一作發去日暮  
情更來空望去時水孟夏麥始秀江上多南風商  
賈歸欲盡君今尚巴東巴東有巫山窈窕神女顏  
常恐遊此方果然不知還

長干行

李白集載此詩而黃魯直辨為李益作及攷益集亦無此作按顧陶類詩作張潮或有所據

憶妾

一作昔

深閨裏煙塵不會識嫁與長干人沙頭

候風色五月南風興思君下巴

一作江

陵八月西

秋風起想君發楊子去來

一作時

悲如何見少離別

多湘潭幾日

一作人又作月

到妾夢越

一作常

風波昨夜狂

風度吹折江頭樹森森暗無邊行人在何處北客

真一作至

王公朱衣滿江

一作汀

中薄

一作日

暮來投宿

數朝不肯東

今本無以上四句

好乘浮雲驄佳期蘭渚東

詩記

盛唐卷之四

五

鴛鴦綠浦上翡翠錦屏中自憐十五餘顏色桃花  
紅那作商人婦愁水復愁風

襄陽行

玉盤轉明珠君心無定準昨見襄陽客剩說襄陽  
好無盡襄漢水峴山垂漢水東流風北吹只言一  
世長嬌寵那悟今朝見別離君渡清羗渚知人獨  
不語妾見木栖林憶君相思深莫作雲間鴻離聲  
顧儔侶尚如匣中劍分形會同處是君婦識君情  
怨君恨君爲此行下牀一宿不可保况乃萬里襄

陽城襄陽傳近大堤北君到襄陽莫回

一作迷感大

堤諸女兒憐錢不慳德

采蓮詞

朝出沙頭日正紅晚來雲起半江中  
賴逢鄰女曾相識並着蓮舟不畏風

江南行

茨菰葉爛別西灣蓮子花開

一作新猶未還妾夢不

離江水上人傳郎在鳳凰山

李疑

殷璠云疑詩鮮潔有規矩其少年行  
三首詞雖不多翩翩然俠氣在目

少年行三首

十八羽林郎戎衣侍

一作從

漢王臂鷹金殿側挾彈

玉輿傍馳道春風起陪遊出建章

侍獵長楊下承恩更射飛塵生馬影滅箭落鴈行

稀薄暮隨天仗聯翩入瑣闈

王劔膝邊

一作旁

橫金杯馬上傾朝遊茂陵道依宿

鳳凰城豪吏多猜忌無勞問姓名

淮南秋夜呈周偁

與侃同

天淨河漢高夜閑砧杵發清秋忽如此離恨應難

歇風亂池上萍

一作螢

露光竹間月與君共遊處勿

作他鄉別

林園秋夜作

林卧避殘暑白雲長在天賞心既如此對酒非徒

然月色徧秋露竹聲兼夜泉涼風懷袖裏茲意與

誰傳

讀前漢外戚傳

人錄尚書事家臨御路傍鑿池通渭水避暑借明

光印綬妻封邑軒車子拜郎寵因宮掖裏勢極必

先云

袁瓊

紀事云明皇時人。○張子容有寄贛縣袁少府詩

鴻門行

少年買意氣百金不辭費學劍西入秦  
結交北遊魏秦魏多報人與代亦殊倫  
由來不相識皆是暗相親寶馬青絲轡  
狐裘貂鼠服晨過劇孟遊暮投咸陽宿  
然諾本云云諸侯莫不聞猶思百戰術  
更逐李將軍始從灞陵下遙遙度朔野  
北風聞楚歌南庭見胡馬胡馬秋正肥  
相邀夜合圍戰酣烽火

滅路斷救兵稀白刃縱橫逼黃塵飛  
不息虜騎血灑衣單于淚沾臆獻凱雲  
臺中自言塞上雄將軍行失勢部曲遂  
無功新人不如舊舊人不相救萬里長  
飄颻十年計不就棄置難重論驅馬度  
鴻門行看楚漢事不覺風塵昏寶劍中  
夜撫悲歌聊自舞此曲不可終曲終淚  
如雨

惠文太子挽歌

開元十四年夏四月岐王範卒贈謚惠文太子

寒仗丹旄引陰堂白日違暗燈明象物  
畫水濕靈衣羽化淮王去仙迎太子歸  
空餘燕銜土朝夕向

陵飛

薛維翰

紀事云登開元進士第

古歌二首

美人怨何深含情倚金閣不嘖復不語紅

一作珠淚

雙雙落

美人閉紅燭獨坐裁新錦頻放剪刀聲夜寒知未

寢

春夜裁縫

珠箔因風起飛蛾入最能不教人夜作方便殺明

燈

春女怨

白玉堂前一樹梅今朝忽見數花

一作枝

開兒家門

戶尋常

一作重重

閉春色因何入得來

一作何緣得入來

怨歌

百尺珠樓臨狹斜新妝能唱美人車皆言賤妾紅

顏好要自狂夫不憶家

房瑄

本傳云河南人玄宗將封岱嶽撰封禪書獻之授校書郎累遷憲部侍郎玄宗幸蜀

拜文部尚書平章事奉使靈武肅宗傾意待之

寺記

盛唐書卷之四十八

七

尋亦罷相從肅宗還京封清河郡公復敗邠  
川刺史寶應中拜刑部尚書遇疾卒贈太尉

### 題漢州西湖

高流纏峻隅城下緬丘墟決渠信浩蕩潭島成江  
湖結宇依迴渚水中信可居三伏氣不蒸四達暑  
自徂同人千里駕鄰國五馬車月出共登舟風生  
隨所如舉麾指極浦欲極更盤紆繚繞各殊致夜  
盡情有餘遭亂意不開卽理還暫祛安得長晤語  
使我憂更除

蕭昕

本傳云字中明梁鄱陽王七世孫世居河南中傳學宏詞科調壽安尉遷左補闕哥

舒翰辟掌書記翰敗僂道走蜀肅宗立奉詔冊見行在歷禮部尚書後以太子少師致仕

卒諡曰懿

### 洛出書

海內昔凋瘵天綱斯淳滴龜靈啓聖圖龍馬負書  
出大哉明德盛遠矣彝倫秩地敷作乂功人免爲  
魚恤旣彰千國理豈止百川溢永賴至於今疇庸  
未云畢

### 臨風舒錦

麗錦疋云終襜襜展向風花開翻覆翠色亂動搖

紅縷散悠揚裏文迴照灼中低垂疑步障吹起作  
晴虹既與丘遲夢深知卓氏功還鄉將製服從此  
表亨通

蘇源明

天寶中累遷太子諭德出為東平太守  
召為國子司業祿山陷京師以病不受  
偽官肅宗復兩京權  
考功郎中知制誥

宴濮陽守崔季重魯郡李蘭濟南田琦濟

陽李陵于洄源亭

天寶十二載時  
源明守東平

小洞庭兮寓方舟風嫋嫋兮離平流寓方舟兮小  
洞庭雲微微兮連絕崕層瀾壯兮縮以沒重巖轉

兮超以忽馮夷逝兮護輕橈蛟龍行兮落增潮泊  
中潮兮澹而閑並曲淑兮悵而還適予手兮非予  
期將解袂兮藂予思尚君子兮壽厥身承明主兮  
憂斯人

以國子司業召須尉袁廣餞于小洞庭

浮漲湖兮莽條遙川后禮兮扈予橈橫增沃

一作沒

兮蓬仙延川后福兮易

一作翼

予船月澄凝兮明空

波星磊落兮耿秋河夜既良兮酒且多樂方作兮  
柰別何

敬括

本傳云字叔弓河東人少以文詞稱應制登科累遷殿中侍御史楊國忠出不附已者以括為果州刺史後至御史大夫性深厚尚簡淡在職不務求名大曆中卒

省試七月流火

前庭一葉下言念忽悲秋變節金初至分寒

一作空

火正流氣含涼夜早光拂夏雲收助月微明散沿

河麗景浮禮標時令爽詩興國風幽自此觀邦正

深知王綦休

許宣平

新安人也嘗挂一花瓢于曲竹枝

醉歌

負薪朝出賣沽酒日西歸借問家何在穿雲入翠

微

紀事云好事者嘗題此詩于壁李白自翰林出東遊覽詩歎曰此仙人也

李陽冰

善篆書曾宰當塗太白依之

阮客舊居

阮客身何在仙雲洞口橫人間不到處今日此中

行

間丘曉

官至刺史王昌齡為丘曉所殺

夜渡淮

舟人自相報落日下芳潭夜火連淮市春風滿客

帆水窮滄海畔路盡小山南且喜鄉園近言榮意未甘

間立魏

山南且喜鄉園近言榮意未甘

山南且喜鄉園近言榮意未甘

山南且喜鄉園近言榮意未甘

盛唐第四十八



